



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: _____.

Datum: _____.

PRIJEDLOG

Na osnovu člana 13. Alineja 5. Zakona o principima lokalne samouprave u Federaciji Bosne i Hercegovine („Službene novine FBiH“, broj:49/06) i člana 14. Statuta Općine Tešanj ("Sl. glasnik Općine Tešanj", br. 11/07), Općinsko vijeće Općine Tešanj, na svojoj redovnoj sjednici, ____2015.g., donosi

O D L U K U

Član 1.

ODOBRAVA SE objava Javnog poziva radi izgradnje i korištenja parkinga na lokalitetu zv. "Katanga" koje je predviđeno da se gradi na:

- k.p.br. 563/1 upisana u PL br. 132 za K.O.Tešanj II korisnik DR. SV. Javno dobro vode i putevi Tešanj sa dijelom 1/1 i k.p.br.1548/1 upisana u PL br. 268 za K.O. Tešanj I korisnik DR. SV. Javno dobro vode i putevi sa dijelom 1/1.

Član 2.

Prijava za izgradnju i korištenje parkinga će se cijeliti po kriteriju:
- kraći vremenski rok korištenja parking prostora.

Odabrani ponuđač je obavezan da parking izgradi najkasnije do 31.12.2015.godine u skladu sa projektom "Natkrivanje dijela korita rijeke Tešanjke i izgradnju parking mjesta za putnička vozila iznad uređenog dijela korita rijeke Tešanjke" urađenim od "RADIS" d.o.o.I. Sarajevo.

Rok za korištenje parking prostora počinje teći od 01.01.2016.godine.

Krajnji rok za izgradnju parkinga, 31.12.2015.godine, može se prolongirati samo izuzetno, zbog nepredviđenih okolnosti, a što će biti regulisano u Ugovoru koji će zaključiti Općinski načelnik i odabrani ponuđač.

Ukoliko bude zaprimljeno više prijava na Javni poziv, a u slučaju da od strane ponuđača budu navedeni isti uslovi, uzet će se kao povoljnija ona prijava koja je zaprimljena ranije.

Član 3.

Ovlašćuje se Općinski načelnik da poduzme sve potrebne radnje u cilju izbora najpovoljnijeg ponuđača u skladu sa kriterijem predviđenim Članom 2. ove Odluke, objavi Javni poziv i zaključi Ugovor o međusobnim pravima i obavezama između Općine Tešanj i najpovoljnijeg ponuđača, te poduzme i druge potrebne radnje do implementacije.

U cilju provođenja Javnog poziva Općinski načelnik će donijeti Rješenje o imenovanju Komisije.

Član 4.

Javni poziv će biti objavljen u lokalnim sredstvima javnog informisanja, oglasnim tablama u zgradi općine i uredima Jelah i Tešanjka, te web stranici općine Tešanj, a obavijest o javnom pozivu biće objavljen u dnevnim novinama.

Člana 5.

Ova Odluka stupa na snagu narednog dana od dana objavljivanja u "Službenom glasniku Općine Tešanj."

**PREDSJEDAVAJUĆI
OPĆINSKOG VIJEĆA**

SENAD Subašić, dipl. oec.

O b r a z l o ž e n j e

PRAVNI OSNOV:

Na osnovu člana 13. Alineja 5. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06) i član 14. Statuta Općine Tešanj ("Službeni glasnik Općine Tešanj", broj: 11/07).

RAZLOZI DONOŠENJA:

U cilju privođenja namjeni lokaliteta shodno Idejnom projektu izgrađen je poslovno-stambeni objekat zv. "Katanga" gdje je predviđeno da se izvede djelimično natkrivanje rijeke Tešanjke, a šetnicom je uvezan sa planiranim sadržajima iz obuhvata predviđenih planskim dokumentom "Vrata grada 2" u okviru kojeg je planirano natkrivanje rijeke Tešanjke (most, parking i plato za pješake).

Na ime Općine Tešanj izdata je urbanistička saglasnost broj: 06-23-1-2756/14 od 17.11.2014.g. za natkrivanje dijela korita rijeke Tešanjke i izgradnju parking mjesta za putnička vozila iznad uređenog dijela korita rijeke Tešanjke, gabaritnih dimenzija 22,70 x 11,82 m, kao i Odobrenje za građenje broj:06-23-2-92/15 od 17.03.2015.godine.

Kako je cilj okončanja planiranih aktivnosti, privođenja lokaliteta zv. "Katanga", izgraditi parking prostor natkrivanjem rijeke Tešanjke, a kako Općina Tešanj nije predvijela sredstva u budžetu za izgradnju navedenog parkinga, a budući da postoje potrebe za parking prostorom predlažemo da se objavi javni poziv radi iskazivanja interesa potencijalnih izvođača za izgradnju parkinga sa podacima navedenim u članu 1. Prijedloga ove Odluke.

PRILOG:

1. Osnova parkinga urađena od "RADIS" d.o.o.I. Sarajevo.

O B R A Đ I V A Č:

**Služba za katastar, urbanizam i imovinsko- pravne
poslove
POMOĆNIK OPĆINSKOG NAČELNIKA**

NADIR Medarić, dipl. ing. geodezije

P R E D L A G A Č: **OPĆINSKI NAČELNIK:** **OPĆINE TEŠANJ**

mr.sc.SUAD Huskić, profesor

Broj: 02-31-8-49-9-9/15.

Dana, 20.03.2015.g.